

十辨同心蘭室藏版

余十有三歲而失所怙母氏

為愛踰四十無所成自謂膝

周書  
圖章

樂有足以盡此身者忽抱終天之

恨淚涸而痛不定試為陳之母氏

素患頸風歲十數作二必嘔痰加

以昏眩因得默齋撫幹封父烏

宰茶方於是作少踈雖作亦易愈  
近時烏附不易得每聞入京有便  
必以買川烏為先或它出亦預合  
數服以進前數年或鼻塞不通或  
脾弱無味隨證審方儲材合劑或  
丸或散朝搆暮成未嘗敢求諸市


肆然頭風則年餘不作矣矧又飲食頻快但覺肺力微怯歲旦家常茹素飯則盡挽羹亦稱美蕸私謂吾母今年七十而胃府如此眉壽何疑者越八日忽有小红粟粒發右耳旁次日右頰右目頗腫命醫

視之用藥敷貼膿毒漸出謂可徐  
二抽減謹重太過專守頭面不可  
妄施針砭之說有令灸三里穴下  
抽者醫持不可未幾其腫愈堅似  
瘡而根則大名癰而反無膿外不  
熱而內不疼旬日後始寔甚矣吾

母至謂薊曰汝抄方嗜藥胡為不  
曉此證倉忙中罔知所措更醫亦  
云無策母氏神識了然以至不救  
日月不居俄至車哭客有携示蜀  
本灸經與竹馬灸法者備述剋驗  
內有鬚疽疔瘡乃知咸有灸法而

竹馬一法則諸證無不治痛哉痛  
哉何嘆及矣鄉平時每憲風在頭  
目猶謂老人脫有隱疾可以延壽  
幸而頭風已痊又孰知危證之竊  
發害未幾而痛同極哉此所以仰  
天槌心而嘔血也世有此方吾不

蚤得而見之吾母不存而其方則  
存其方存而後之人有蚤得而見  
之者庶幾乎吾母雖無及而猶及  
人也遂與烏宰祭方併刊以傳焉  
吾母山陰博古石氏也淳祐乙巳  
五月朔孤學鄉貢進士孫炬卿序





序

韓昌黎曰善醫者不祝人之瘠肥察其脈  
之病否而已矣脈不病雖瘠不害脈病而肥  
者死矣然世有癰疽發背之疾其起也漸  
其發也烈人往往忽於微芒而昧於不自覺一  
旦發暴盛腫猝不及治遂再誤於腐藥靡  
有不戕其生者豈必窮鄉委巷藥石求  
奇疾乍嬰注嗟束手余愧不知醫人母念  
及此未嘗不慙焉傷之貴陽陳衡山醵尹  
嗜古篤學尤喜搜石渠金匱之書曾於



扶桑郡市得南宋孫炬卿舊刻團練使張公渙所著備急灸法一毫以畀余曰此灸法中國不甚概見蓋以古失其傳耳食者習焉不察每易忽之苟得此編按圖點穴如法注灸則消患未忽化報為易其方藥味去多見功甚速誠為滿世救人之寶筏余嘗攷鍼灸科居十三科之一宋熙寧元中嘗間特置提舉判官設科以多之當時已行如砂其應政育可想見者細繹此卷覺男女老少童穉

內外雜症無不可療其中騎竹馬灸法之  
良更他人所未及論抱朴子云百家之言  
與經一揆壁操水者器雖小而救火同焉程  
施灸者術雖殊而救疾均焉况返死回生孰  
如灸法之神且速耶良友鍼砭之授所以  
自秘爰將原本並余所得鍼灸擇日編一  
併付梓俾廣流傳以副衡山瀉世深心  
此二孝流芳東瀛垂教百載幾幸知者今  
復歸之中國徧起沉痾庶知廣陵散猶  
在人間也

光緒十六年歲次庚寅仲夏上杭羅嘉杰  
少畊氏識於日本橫濱理廨



備急灸法



寶慶丙戌正月望

杜一鉞防禦堦橋李聞人

耆年述

古人云。凡爲人子而不讀醫書。是謂不孝。則夫有方論而不傳諸人者。寧不謂之不仁乎。然方書浩博。無慮萬數。自非夙昔究心。未易尋檢。本朝名醫團練使張渙著雞峯普濟方外。又立備急一卷。其方皆單行獨味。緩急有賴者。張公之用心。其可謂切於濟人者矣。僕自幼業醫。凡古人一方一技。悉講求其要。居鄉幾四五十載。雖以此養生。亦以此利人。僕今齒髮衰矣。每念施藥惠人。力不能逮。其間惠而不費者。莫如針艾之術。然而針不易傳。凡倉卒救人者。惟灼艾爲第一。今將已試之方。編述成集。鋟木以廣其傳。施之無疑。用之

有效。返死廻生。妙奪造化。其有稍涉疑難之穴。見諸圖書。使抱疾遇患者。按策可愈。庶幾少補云。

諸發等證

石瘳附

腸癰

丁瘡

附骨疽

皮膚中毒風

卒暴心痛

轉胞小便不通

霍亂

轉筋

風牙疼

精魅鬼神所淫

夜魘不寤

卒忤死

俗謂鬼打衝惡也

溺水

自縊

急喉痺

鼻衄

婦人難生

小腸氣


一切蛇傷

犬咬

狂犬咬毒

# 屈指量寸法例

以薄竹片或以  
蠟紙條量手中  
指中節橫文取  
上下截齊斷爲  
一寸男左女右



諸發等證

一

葛仙翁刻石江陵府紫極宮治發背發肩發髻發鬚發肋及一切惡腫法已上數種隨其所發處名之也其源則一故灸法亦一本然數種中死人速者發背也其候多起於背胛間初如粟米大或痛或痒色赤或黃初不以爲事日漸加長腫突滿背疼痛徹心數日乃損人至此則雖盧扁不能治矣惟治之於初皆得全生其餘數種皆依法早治百無一死凡覺有患便用大蒜切片如錢厚如無蒜用淨水和泥捻如錢樣用之貼在瘡頭上如瘡初生便有孔不可覆其孔先以菴豆大艾炷灸之勿令傷肌肉如蒜焦更換待痛稍可忍即漸放炷大又可忍便除蒜灸之數不拘多少但灸至不痛即佳若



住灸後又腫又痛。即仍前灸之。直候不腫不痛。即住。每患三箇瘡。或灸三百壯。五百壯。至一二千壯。方得愈者。亦有灸少而便愈者。若患三五箇瘡。並須各各依法灸之。灸後不腫不痛。則愈矣。男女同法。孫真人治石癰。亦如此法灸之。石癰者。其腫發至堅。如石有根。故名之也。灸之。石子當碎出。即愈。

此係當頭用太赫灸法。議論互見。後竹馬灸法中。

## 腸癰 二

孫真人治腸癰法。去。腸癰之證。今多不識。治之錯。則殺人。其證小腹重而硬。以手抑之。則小便如淋狀。時時汗出而惡寒。一身皮膚皆甲錯。腹皮鼓急。甚則轉側聞水聲。或繞臍生瘡。或臍孔